

陶

齋

臧

石

記

匊齋藏石記卷十七

唐一

吳景達夫人劉氏墓銘

石高九寸寬九寸二分八行行八字字徑八分正書有墓格

大唐中散大夫行□樂奉御永安男吳景達夫人彭城劉氏之靈
今以貞觀四年歲次庚寅十一月壬申朔廿三日甲申殯於芒山
舊陵恐川谷□移故銘之玄石

吳景達官中散大夫行□樂奉御按通典唐官品中散大夫
正五品上階尚樂奉御正五品樂上泐字當是尚字夫人殯
於芒山舊陵玉篇陵翁也國語管仲曰定民之居成民之事

陵為之終注以為葬也竝不媻指帝王葬處而言唐李肇國
史補董仲舒墓門人過皆下馬謂之下馬陵後人謠為蝦蟆
陵又宜興善權山祝英臺墓亦稱祝陵見毘陵志漢丹陽太
守郭文碑君之弟故太尉薨歸葬舊陵後秦呂憲墓表葬於
常安北陵此云殯於芒山舊陵亦凡人葬處皆可稱陵之一
證芒山即印山後漢書恭王祉傳葬于洛陽北芒

盧野客墓

墓下缺數字見高九寸三分廣六寸四分五行正書

維大唐貞觀七年歲次下缺月已酉朔一日已酉□下缺詔議參軍
盧諱野客下缺殯於洛州洛陽縣故城下缺之所

太倉窖銘專

專長一尺一分七寸七分一
尺一十一分七寸七分一

真祐八年十二月廿日街東從北向第二院

北向南第二行從西向東第十三窖

納轉運教倉粟四選 碩太倉署

史郭風監事馬斌丞方善才令

蕭和禮右監門翊衛扈子光左

監門翊衛宇文英司農丞鄭務

德司農卿武城男崔樞

右按舊唐書職官志太倉令康藏凡鑿窖置屋皆銘專為度

斛之數與其年月日受領粟官吏姓名此專記其方向並第
幾害及倉令丞監事諸人名皆與志合故定為太倉害之銘
專志言太倉署令三人丞二人史二十人監事十人兼言司
農丞司農卿者以太倉署屬司農卿也司農卿職掌邦國倉
儲委積之事總止林太倉鈎盾導官四署惟左右監門翊衛
不隸司農或以翊衛監造倉窖例得附書亦未可知其云轉
運教倉粟唐書職官及食貨二志不言教倉所在新書裴耀
卿傳數東幸以就教粟與李密傳教庾之粟有時而餽似泛
指黎陽洛口諸倉而言不必果有教倉也

魏書裴耀卿傳云
杜注是周教之名也

漢司馬公侍妾隨清娛墓志

紅高一尺一寸寬一尺五分三釐十五行行十五字字體四分正

故漢太史司馬公侍妾隨清娛墓志銘

永徽二年九月余判同州府靜坐於西廳若有若無猶夢猶醒見
一女子高髻盛妝泣謂余曰妾漢太史司馬遷之侍妾也迎之平
原人姓隨名清娛年十七事遷因遷周遊名山携妾於此會遷有
事去京妾縞居於同 遷故妾亦憂傷尋故瘞於長樂亭之西
天帝閔妾未盡天年遂司此土代異時移誰為我知血食何所君
亦將主其地不揣人神之隔乞一言銘墓以垂不朽余感寤銘之
銘曰

嗟爾淑女不世之姿事彼君子弗終厥志百千億年血食於斯

褚遂良撰文並書

此蓋小說家因同州有褚書聖教序記遂託為此事而好事者遂為撰志用褚法書石以實之其真偽無足深辨然其書特工石本傳流已非一日湘鄉令胡君自既摹聖教序記置於褚公祠因并摹此誌夫文人才鬼千古冥遇亦事之所有如保褚公真筆應為作雜文記其事不應為作墓誌夢言髣髴墓於何存誌中亦未言及招魂設冢事則誌將安納唐人書墓誌銘誌或作志銘字間有作詔者清娛之姓或因士會受邑於晉則隨之族裔應為平原所有其以清娛命名則雅而不古矣清娛侍妾褚公後賢應稱太史誌中稱遠者四非體也姑與薛稷杳冥君

誌並存之以備誌墓別體又僑居之僑唐人書有作僑者此書作僑當係傳刻所誤僑與鄒通地名也或以喬高音近故假借用之歟誌云永徽二年九月于剡同州又曰君亦將主其地言將則未上之詞也於義亦不相應惟銘詞三韻以支寘通用差為近古耳

黃本異古誌石華

右墓誌第七行編居於同古誌石華作僑居與今石本異

呂夫人張氏墓誌

石高寬各一尺二寸二十四行行二十四字字徑四分正書有墓格

大唐文林郎夫人張氏墓誌并序

夫人諱頊摩字善宿南陽人也珪璋孤拔逾稟表而獨繼丹桂□

嘉鬱蕙蘭而楚秀庖義愴業光潤百城藉匡霸以闡洪基排口岳而立高姓傳芳萬代繼踵聰翮孺素與玉鏡以爭暉性節媿金波而覺朗祖任房州至成府果毅嘉猷擅美志蒞風雲撫軍旅而狀朱繩絕貪婪而潔冰素 父任同州馮翼縣令均芳万頃德閨波瀾馳譽九鄉揚芬百里夫人權秀蘭房恬凝紫閣握松筠以操性含珪璧而成心郁：芳姿嘖：素月猶昇漢而列橫空少達訓璋久閑風軌其年十六適於呂氏之門夫人內契金蘭外標琴瑟恒遵孝行扇席温床惟懈六時蒞觀音於歲月崇經造像綴草籌之豈窮設會循檀類塵數之無盡可謂萋：勁質逢霜露而摧芳湛：波瀾忽驚風而激浪丹霞息彩仙路停蹤遂寤寐華堂棲神妙域

魂兮雖絕容皇若常頽月上清昇等蓮華之去俗以永徽六年三月四日薨於長安義城里夫人春秋八十三即以其月倍葬於昆明之所墳臨清紹帶楊波而獨高墓迥神泉眺渭澧之孤顯雖復逝川長往魂路無追慮海為田英風莫嗣故貶玄石用播徽猷嗚呼哀哉乃為銘曰

品塗萬舛獨辟唯璋崩苗斯起爰自義皇規模積代範範前王徽

流兩國万里傳芳其蘭蕙孤標膏腴獨潤德德效文沾令典功名

斯振弁葉 皇家聰翮體洵其淋態耕蘭芳姿可錄花容二八娉

其他族琴瑟為心松筠自勗其德蘊芳蘭行烈逾固承姑誨于匪

捐機杆戎馥生衿禪霞啓素割意玄門翹心六度其堦墀影滅桂

戶香收翠樞徒軟朗月虛流一生茲隔千年永休刻石盤□播其
□烈山海平田嶽獻不滅

右唐文林郎夫人張氏墓誌無誤書人姓名首行標題不著
夫家姓氏唯誌云嫡於呂氏之門而呂君之名無攷按新唐
書百官志凡文散階二十九從九品上曰文林郎夫人之祖
父亦不署名唯云祖任房州至成府果毅父任同州馮翼縣
令新書地理志房州隸山南道在均州之次均州有府一曰
至誠房州無府仁和勞經原唐折衝府攷甄采極博凡補府
百有九亦無至成之名房州至成府即均州至誠府仁和趙
鉞作折衝府攷序云於新志之屢亂者如京兆府相原等五

府誤屬華州檀州密雲府誤屬妣州軒轅本作輶轅修武一
為修政則据羣書訂正之安知至誠當作至成非軒轅修武
之類乎至誠誤屬均州非相原密雲之類乎唐代諸州割隸
無常廢置不定均房鄰封密通軍府或暫時割隸府名或先
後更易均未可知新書兵志云貞觀十年更號統軍為折衝
都尉別將為果毅都尉又曰左右果毅都尉各一人掌貳都
尉上府從五品下中府正六品上下府正六品下食貨志云
上府果毅四人下府各減一人其但僞果毅略去左右都尉
字者如守福墓誌懷州吳澤府果毅新書段秀實傳隴州大
堆府果毅是其例矣同州隸關內道領縣八首馮翊翊誌作

翼書武成越翼日癸巳漢書律麻志翼日作翌日爾雅釋地南方有比翼鳥焉釋文翼本作翌翌翊並从立羽特上下左右不同翼可通翌即可通翊又翼佐也見左氏昭九年傳翼戴天子注翊佐也見漢書百官公卿表上集注引張晏翼翼敬也見詩常武緜緜翼翼傳翊翊敬也見漢書禮樂志集注翼翊音詛同相通段上縣令從六品上馮翊注望上縣也誌云夫人薨於長安義城里按長安志長安縣境六鄉管六里自布政至居安又隋書百官志仁壽三年京都訪諸坊改為里坊与里可通併而皆無義城之名當据誌補其缺又云倍葬於混明之所倍葬即陪葬書禹貢至于陪尾漢書地理志

作倍尾左氏定四年傳分之土田倍敦釋文倍本作陪是陪陪古通之證混明即昆明詩絲混夷駝矣混夷即昆夷管子侈靡篇混吾之美在下混吾即昆吾漢書鼂錯傳隴西太守臣昆邪師古曰昆讀曰混皆混昆古通之證也漢書武帝元狩三年發謫吏穿昆明池臣瓚曰西南夷傳越巂昆明園有滇池方三百里漢使求身毒國而為昆明所閉今欲伐之故作昆明池象之以習水戰在長安西南周回四十里長安志昆明池在縣西二十里今為民田又云昆明池至秦姚興時竭唐德貞元十三年命京兆尹韓皋充使浚之追尋漢制引交河澧水合流入池夫人之卒在昆明既竭之後未浚之前

故葬所丁其故址下云墳臨清紹帶楊波而獨高墓迥神泉
眺渭澧之孤顯清紹誼不可解細案紹字糸有筆意不符當
是沼字刻誤三秦記昆明池中有靈沼名神池通白鹿原西
都賦神池靈沼往往而在西京賦迺有昆明靈沼黑水玄趾
故曰清沼神泉也長安志引水經注南山耿谷北流与柳泉
合東北經五柞西所謂楊波當指柳泉而言西京賦相羊乎
五柞之館旋憩乎昆明之池五柞昆明壤地相接皆柳泉所
繫帶也又三輔黃圖白楊觀在昆明池東唐初距漢未遠遺
蹟往往可尋楊波之楊柳即白楊之楊耶渭澧當作渭澧長
安志渭水西在鄠縣界流入澧水出縣西南五十五里終南

山豐谷北流注於渭貞元中浚昆明亦引澧水入池矣漢史
晨祠孔廟碑以祈豐稷華山碑裡祀豐備皆書豐作豐誌云
握松筠以操性唐梁師亮墓誌賓御操而野雲愁用操作慘
此用作操又云少達訓璋久閑風範正均璋夫之父母也釋
名俗或謂舅曰章璋通章訓璋女訓之篇章章加女作璋猶
適加女作媵屬女言則从女也閑同嫻爾雅釋詁習也銘云
爰自義皇莊子馬蹏篇雖有義臺路寢陸德明音義義許宜
反一本作義臺義通義義皇即義皇說文義从兮義聲縮聲
相段借也澗作滿與東魏高湛墓誌挹餘滿於海澳北空朱
岱林墓誌清滿馬息竝同棲作棲與梁蕭憺碑餘糧棲畝同

貌作皇与唐鏡銘觀皇嬌來同模作摸与唐孟法師碑人宗
摸楷同標作標与唐李靖碑英標赤縣同寰作寰冰作冰席
作席匪作惟類作類軌作軌媯作媯勗作勗皆別體字猶有
六朝餘習誌石闕中新出土書執似蕭勝墓誌褚薛之流亞
也 又銘云刻石盈□按唐康駢劇談錄李朱崖宅桑道茂
謂為玉盈蓋亦青島家言也

銘錄案石刻字不盡足據此誌至誠府
作至成與馮湖縣作馮翼正同一例

薛王友杜詢妻崔素墓誌銘

石高一尺九寸三分廣一尺四寸七分十九行行二十七字字
體五分正軌行書

大唐薛王友行珍州榮德縣丞杜君故妻博陵崔氏墓誌銘并序
夫人諱素字璠美博陵人也名門毓秀積華美王姬之篇吞胃派

茶飛紫動謝公之詠若夫縻亟蘭蕙約鏘珩璜懿範清姿可得而
述焉曾祖慎言工部侍郎將作大匠贈兵部尚書懷州都督祖儀
雍州司戶叅軍同州朝邑縣令上柱國父延朗左子牛衛將軍甘
涼瓜沙四刺史博陵郡開國公食邑一千七百戶一門圭組羣推
鐘鼎之華七綦貂蟬式昭楮紳之望夫人誕靈錦倚孕美苕華訓
奉姆儀長嫺閨訓爰在及笄之年載舉御輪之禮粵以永徽元年
二月適薛王友行珍州茶惠縣丞杜詢美君子之好逑求我庶士
標頌女之令德宜其室家齊眉式好鸚鵡集于平林偕老蒸情儼
鷄鳴芳昧旦既而飛掃娥于桂苑靈稟徒聞顰西子於蘇臺返魂
雉覓以顯慶二年三月十五日遘疾卒時年二十四歲卽以廿年

七月廿七日戊申安厝於耀州三原縣之北原嗚呼歌成薤露痛
塵夢之成真鏡暗菱花續鸞絃而今自溯徽音於泉府埋玉心傷
留懿範于人間貞珉手勒乃為銘曰

非非清門綿綿甲第珪組交輝芳徽繼在秀發天蹊慶派餘裔彤
史留型用昭溫惠其蘭閨延譽蕙質貽芳淑人君子婉必清揚比
法桓孟嬈美姬姜宜其家与子偕滅其翠掩红楼派鶯作賦燕婉
之眾頓成沉痼霽霽霏烟溘若朝露哀草香魂斜陽日暮其今茲
永訣夙昔相攸香飄衣袂仙去莫留夜臺長逝泉路悠悠我銘斯
墓遺恨千秋

夫人生於唐初逆計其曾祖當在魏周或梁陳之世而誌書

先世皆不著朝代其名既不見於史傳即唐書宰相世系表亦不列其名以官職攷之則將作大匠自兩漢以後歷代皆有惟工部侍郎兵部尚書之名實始於隋代然則其曾祖當係隋人矣懷州當是懷州或襄州之別字隋改州為郡在大業三年此云贈懷州都督則其卒當在大業以前矣惟隋時諸州皆號總管唐初猶因之至武德七年始改為都督今書其曾祖已稱都督豈蒙唐制書之耶誌敘其祖官職亦尚稱州則亦在改郡以前可知至其父則必在入唐以後矣唐左右千牛衛各有上將軍大將軍及將軍與各衛同惟據新舊兩志則千牛衛之名實至神龍時始改其顯慶五年以前或

曰左右備身府或曰左右府並無千牛衛之名此誌作於顯慶二年而已書千牛衛計時不合又有官志載開國郡公食邑二千戶而此云一千七百戶亦不可解豈國初時制尚未定抑或因事奪削歟杜詢之名雖見於宰相世系表然與此時代不合自別是一人元和郡縣志及地理志夜郎縣注並載珍州貞觀十六年開山洞置并置夜郎麗泉樂源三縣別無榮德之名然武后時梁師亮墓誌亦題珍州榮德縣丞與此誌正同是可為珍州有榮德縣之證案珍州廢於憲宗之後故唐書地理志不列所屬三縣皆隸溱州溱州故有榮德縣與珍州同時並置疑初時本名榮德後乃改名蓋珍溱接

壤珍州屬縣後可屬漆則漆州屬縣先或亦屬珍也至耀州之名據唐書地理志實自天祐三年李茂貞始置唐時三原縣屬京兆府其以三原屬耀州則始於後唐此誌云安厝於耀州三原縣之北原語屬可疑姑存以俟攷訓奉姆儀長嫻閨訓上訓字當為幼字之誤銘詞宜其家向家下當脫室字

馬壽墓誌銘

石高廣各一尺五分十八行十八字界有棋格正書

大唐馬處士墓誌銘

處士諱壽字長壽扶風人也高祖蓬梁荊州刺史曾祖賢周河南縣令祖方儀同勳衛校尉自趙城開國馬服分宗緬諸前典盛緒

斯在暨紗帷垂範銅柱標勳鬱矣家聲播而無泯處士誕生華胄
情疎俗務依藝遊仁邈焉高路博該墳典振葛川之遺風立性無
溫邁裴遐之寬雅繁華始茂奄悴嚴霜福善無徵俄隨朝露春秋
卅有七顯慶三年九月七日寢疾物故于京邑私第即以其月十
八日葬京城南杜陵原之崗禮也二親哀纏舐犢痛碎明珠撫櫬
摧懷倚門何望玄泉既啓黃腸已裁勒斯貞石銘諸夜臺嗚呼哀
哉乃為詞曰

英明處士卓犖伊人智周於物德潤其身志希高尚心研典墳航
思靡怠流麥標勤俄驚逝水遽逐遊魂卜襲云備儀葬寔陳玉狗
司夜金雞御晨一扃泉戶千載無春

顯慶三年九月十五日

右馬處士自其高祖以下均不見於史其祖儀同勳衛校尉蓋唐官也唐書百官志勳衛之府二一曰勳一府二曰勳二府每府上校尉各五人正六品上誌言勳衛校尉特為勳衛府之校尉非兩官名元和姓纂馬羸姓伯益之後趙王子奢封馬服君子孫氏馬趙城開國二語指此紗帷銅柱皆隸馬氏故實泚即泚字唐避民作氏故泚字作泚晉書葛洪傳言洪究覽典籍裴遐事見世說新語文學篇與舐犢明珠之用三國魏志文之淹雅頗復可貴據漢書霍光傳注黃腸乃天子所用漢以天子禮施諸霍光處士何敢當此誌中手旁字

每書作木旁如橋板樨權皆是古從手從木字易溷為一處
士卒於九月七日即以十八日葬誌書於前三日所謂渴葬

也

銘於素練參用後漢書高鳳事

焦孝達造象記

石列三篆刻記處高三寸四分廣六寸八行行四字正書

大唐顯慶四年十月十二日焦孝達為亡女思弟敬造彌陀像一
鋪合家供養

廬陵縣丞皇甫弼敬墓誌銘

有墓

石高一尺四寸廣一尺三寸七分十九行行十八字字徑四分
正書

大唐故皇甫君墓誌銘

墓蓋行三字字徑一寸七分

唐故吉州廬陵縣丞皇甫君墓誌銘并序

君諱弘敬字文欽京兆杜陵人也微子以至德啓基宋段以功高命氏爰洎漢晉代有其人祖諱德隨任普州刺史懿範清規每懷沖虛之道安排杳偶不以毀譽形言父諱良隨任同州長史贊烏旗於千里惠化周通展驥足於百城威風遐暢君名首非齒舉妙髻年處鄉閭以翔英入圓邕而警韻釋褐齊王府執乘晨臨修竹御浮雲於碧枝晚映曲池懸流水於翠澗故得聲藪灌底績蘭文昌改授廬陵縣丞毓黎氓於江介方輔茲製錦奠百里以荆清或彼鳴絃庶一同而教肅與善茫昧遺疾弥留以顯慶四年十月十五日終於休祥坊之第春秋五十五其月卅日葬於龍首原隆安

之里隣春轍相悲玉水之揮泉行旅不哥鯁瑤峯之落嶠勒銘玄石永樹芳徽其詞曰

分珪疏德析壤資明時殿朝彥代鼻人英警策流美微豪滋馥遠
闕黃墟甯窮朱輶輻迴羨路於落埏門風柘淒暮景霜壠慘歸魂
誌云微子以至德啟基宋段以功高命氏攷唐書宰相世系
表皇甫氏出自子姓宋戴公白生子充石字皇父皇父生季
子來來生南雍彝以王父字為氏其後避地奔魯漢興自魯
徙茂陵改父為甫元和姓纂所載略同據此則皇甫實微子
之後其後或隸安定或隸京兆蓋皆自茂陵分徙者後漢有
皇甫規皇甫嵩晉有皇甫謐又有廣魏太守皇甫固則誌所

謂爰洎漢晉代有其人者也祖德父良隋書無傳普州唐書
新舊兩志並云武德二年析資州置隋志於資陽郡安岳縣
下注云西魏置普州大業初州廢然則普州雖不列隋志而
大業改郡以前則尚為普州可知今志云隋任普州刺史固
仍與史合也同州改馮翊郡亦在大業三年則正與普州一
例矣參偶蓋用莊子嗒焉似喪其偶語圓邕即謂辟雖執乘
即執乘王府官屬親事府有執弓仗執乘親事十六人志中
多別字然氓字作氓則避太宗諱也

王文鈐造象記

石高約二尺廣二尺一寸
二十一行行式如左五書

顯慶三□□□□日朝散郎行內府局令上騎都尉王文齡造
內侍省行內府局令王文齡造

右上層

佛弟子 清信女

王儉供 王儉妻

養時 趙儉供養

佛弟子 清信女

王文齡 陳小胡

供養時 供養時

佛弟子 清信女

王嚮供養 王文齡妹

時

阿補供

養時

右兩列下層

右按新唐書內侍省內府局令二人正八品下朝散郎為正七品文散階唐制以職事卑者為行仍各帶散位今文齡以從七品散階為內府局令故曰行也勳階六轉為上騎都尉視正五品

韓弁智造象記

石并象高一尺三寸三分廣一尺九寸刻座下十四行行三字正書兩面造象一面無字

龍朔元年六月十日韓升智為亡母楊敬造石像一所願亡者託
生西方妙樂国土合家眷屬同登正覺

此說以卷為眷又從來造象所未見者

致果副尉麴善岳墓專

專方廣一尺一寸五分七行行八字字徑八九分正書

惟大唐龍朔二年歲□壬戌十月丁亥朔廿八日甲寅病故西州
偽內散常侍麴善岳 皇朝欽爵致果副尉春秋七十九遇疾遭
卒殯之斯墓

唐初羣雄破滅其臣下率來歸此蓋其一惟但稱西州而不
舉其國號案秦隴等處自漢即有西州之稱然則善岳其先

殆臣辭仁果者歟滿當即病之謠字致果副尉正七品下

王弘達造像

石高一尺五寸額上圓式高四寸二分二行行二字字一徑五分
種篆書兩面陽文風形中鑄佛像一軀二侍者高七寸一徑五分
及佛像並寬六寸六分佛座高三寸七分寬八寸二分九行
四字至六字不等字徑七分至四分不等正書

王君之碑

龍朔三年正月一日王弘達為巨父敬造石像一軀

母朱 姑媿兒 弘機 弘措 弘爽

合家供養佛時

此王弘達為亡父造像石也而額題王君之碑殊塵見可入

碑版廣例

王才墓誌銘

石高一尺四寸二分廣一尺三寸九分連署
前共二十二行行二十二字界有橫格正書

大唐故王府君及夫人毛氏墓誌銘

并序

君諱才字神瓌并州太原人也夫以系服維居列爵為五開壇命
氏獲土便三斯即綿以遠宗系諸避榮紛綸緗素可略言焉曾祖
慶祖振父言並守質含貞懷仁叶智履儀蹈禮輕冕辭榮五柳表
意氣之風一運述叨光之譽君乃幼而有則性稟嘉猷儉約狎情
孝直為念鳴琴自得引嘯教然冀申高祔之倫必符玄門之妙豈
意薤歌先唱溘從玉露之危梁木已摧遂樹奠楹之歎春秋卅有
九以貞觀十六年四月廿六日殁於私第夫人毛氏四德早聞來

應和鳴之契三星既耀作配君子之儀柔順顯女則之規溫雅著
令姜之範方可永終佳福以表遐齡豈期颶風狼鴛葉將花而不
影愁雲密布桂與月而娥藏嗚呼哀哉春秋六十有八以麟德元
年二月廿七日殁於私閣以其年歲次甲子三月己酉朔十三日
辛酉合葬於相州城東北平原四百步禮也孤子三師等痛深風
樹哀切慎終樹松檟而舉豨伏墳埏慟哭所恐河邊葦柳方私去
後之思海上柔桑使議再期之念故刊方弁用紀蘭蓀地久天長
永傳琴瑟其為銘曰 遠矣洪胄抱質全貞爰有芳裳蘊德辭名
里閑懷譽家風有聲千丈森竦萬頃澄清其一

賢哉令婦閨庭有聞誕生貞秀幼稟蘭薰狂塵結縵香永思

高漆室真邁鴻門其二

鸞舞一鏡鳥逝雙飛松高壠暗風切楊

悲輜車宿駕絳旒晨馳式刊金玉永嗣芳下

右誌時在唐初偶文已近平直一派惟其隸事甚奇如五柳為陶潛事一逕則鮮知之高祜元門又皆不解所謂其夫人後才而沒文既以漆室鴻門見比是推其賢淑有行與女則之規令妻之範相副而又云葉將花而分影及總幙分香其詞頗涉不莊若粹於私閤與故刊方弁二語又似矯然立異按爾雅釋宮小閤謂之閤古者閤閤連言多不分別史記汲黯傳卧閤閤內不出漢書循吏文翁傳出入閤閤皆是又爾雅釋言弁蓋也郭注謂覆蓋按誌石多作方形有有益者此

云私問方弁特不過言深閩方石耳乃為此代字已開當時
虬戶篠簪之習此作於王琳在姓伯而如千丈森竦萬傾當
噴澄清以和嶠黃憲況才亦覺不倫至墳塋下奪去而字又
不足責矣

劉玄敷造菩薩像

石上圓或下平高九寸寬四寸五分右下角缺一面刻佛像一
經一面刻造像記二面背有頤防漢碑式額兩面刻飛鳳形一
文其刻佛像一面頤之正中有大唐建立四字二行造像記八
行行十二字並字復四分正書有棋格

大唐建立額

佛弟子劉玄敷為□□□□□先已見存眷屬敬造□□□□□
一區顧父等永離三□□□□四果

駁母張 婦方壤 二壤

駁妻張 男寶藏 寶意

女金東 合家一心供養

麟德元年十一月十五日造

昔人字祇一字者其實非祇一字也其上一字或下一字係公共之字則不書如李文字緯非子緯即緯甫緯卿矣二名則徧書未有眉一字者近人二名者於書尺具名往往眉上一字此造像記駁母駁妻云云殆即稱名眉上一字之濫觴歟前序此殆未之見矣駁側謹切音亲身端也見篇海見不作現姊作姊殊近古寶意金東名亦雅馴近序通人之作也

張行恭墓誌

石高一尺五分二寸二分寬一尺四寸九分二十行行二十字字徑六分正書有缺

大唐故文林郎守益州導江縣主簿飛騎尉張府誌

君諱字行恭南陽白水人也自素鳳來臨秀神功於江表白雲像蓋挺方岳於蕃維爰錄寃於前文繩縉紳於後榮重光弁業可累而言祖玉璣齊任鎮東將軍左常署令高蟬飲露飛閣連雲武衛之同官潘安之寓直父世海隨任洛州緱氏縣丞並器宇深遠藉甚顯名製錦一同獨標三異君稟山岳之靈擅風雲之氣珠明明質隨漢珎光聳仁智之峯崖標禮儀之表幹豈謂青於早預文武飯功至永徽元年四月廿日受文林郎守益州導江縣主簿飛騎

尉故以名入司勳功高命爵位班朝廷出烈五戎夜夢黃羅膏盲
難樂豈謂樛木其摧哲人斯逝春秋七十有九於乾封元年十月
十二日終於私第嗚呼哀哉早天不吊殲我良人痛結賓鸞悲經
丁鶴粵以乾封元年歲次景寅十月癸巳朔十七日巳酉葬於七
帝村北三百步平原禮也恐山川貧易陵谷變遷故勒斯銘庶存
不朽其詞曰 慶蓋白雲詳儀素鶴鼎位江漢蕃維伊洛德寫靈
臺彤圖紫閣仁符經史純心靡託 玉潤貞神珠明朗質仁智內
和威儀外密功臣身殞示鸞進室百代傳芳千齡未畢

右墓誌河南彰德出土張君葬於七帝村北平原按彰襄一
帶多古帝王陵墓村名七帝當指陵寢所在而言貧易即貿

易作變易用與周鞏賓墓誌用貿遷字同痛結賓鸞指梁鴻
相敬如賓事用典殊琢

佛弟子孫造象記

石象坐共高一尺三寸三分廣一尺
刻坐上九行行六七字不等五書

唐乾封二年歲□卯十二月景辰朔廿日清信女佛弟子孫敬造
彌陀像一鋪上為亡過父母額□□者託生西方見□法界倉生
咸同下四字不辨

右按乾封二年歲在丁卯歲下缺一丁字通鑑目錄是年閏
十二月為丙辰朔此未書閏字

道安禪師塔記

石高一尺五分寬七寸五分八行行十二字字徑五分正書有拱格四周有花紋

大唐故道安禪師姓張雍州渭南人也童子出家頭陀苦行學三階集錄功業成名自利既圓他利將畢以總章元年十月七日遷形於趙景公寺禪院春秋六十有一又以三年二月十五日起塔於終南山鷄鳴埕信行禪師塔後志存親近善知識焉

今在西安府城南百塔寺旁大唐故道安禪師塔記書法瘦硬可喜此等小碑甚夥以不著書者姓氏爲可惜也雍州金石記按記云學三階集錄功業成名太平廣記載武德中有沙門信義習禪以三階爲業道安以童子出家其學三階集錄正在武德中與信義同時也佛家臨終或云滅度或云圓寂或云怛化

此云遷形於趙景公寺禪院遷形二字不見他碑高宗以總章三年三月甲戌改元咸亨此碑以二月十五日起塔故尚作總章三年終南山鵝鳴埏今志乘不載此名鵝同駐鳥名廣韻鵝雌鵝並同鶩也埏與堆同信行禪師塔在長安縣百塔寺寺在城南五十里許陝西通志百塔寺本唐僧信行塔院大歷二年間慕信行者皆窆于信行塔之左右故名百塔又引張芬碑記云百塔寺唐相裴公所施之地据此碑則信行塔先已有之而建塔院并改塔院爲百塔寺皆後起之事也志稱信行爲唐僧或與信義同時修業抑或即是一人皆未可知

金石萃編

按鵝鳴埏鵝字與鷓同東魏敬使君碑鷓張作鷓張唐道因

禪師碑蹲鴟作蹲鷄王氏萃編跋云埴与堆同狀調露元年
管真墓誌收骨於鷄鳴埴禪師林左起塔則埴是埴之變體
王氏釋堆誤矣長安志有高望埴桓公埴蟬蛤埴八公埴萬
戶埴黃金埴等名而不及此記之鷄鳴埴可据此以補古地
名之失傳者

匄齋城石記卷十八

唐二

河間縣令樂達墓誌銘

石高一尺三寸七分廣一尺三寸五分二十一行行二十一字
字徑三四分正書

大唐故瀛州河澗縣令樂府君墓誌之銘

并序

原夫小符貽祀滿歲檀於方書太丘墮慶聚緯光於貞象其有置
祠洛邑配享淩儀寫鑿前徽薰之者矣君諱達字智通南陽宛人
也若乃戴公䟽胄遠烈承於宋墟安國開基鴻勳砮於齊境高祖
逸魏朝戴州長史祖德隨任貝州清河縣令展驥騰規馴翬緝化
駢油始御四見駟於超塵桴鼓不驚五关光於大邑惟公資神秀

氣宅性貞猷韶韻夙標領格宏峻金衣振而警露聲藹聞宵瑤林
挺而起虹價崇魄桂於是祈榮天爵浪志星墳輶子師千里之材
懷司馬九卿之植總章元年十二月授瀛州河澗縣令銅章曜彩
錦製照輝屏展飲於中都寢霄釣於單父方期守闕陳春拒輪締
恩未居呂望之榮遽奄董宣之化以咸亨元年六月二日遘疾終
於章喜坊私第春秋八十有一爰以其年歲次七月壬申朔十四
日乙酉與夫人吳氏同定於河南縣郊鄆鄉塋於印山之陽平樂
鄉塚內 嗣子元侶等倚廬鴉慕集蕙飛悲歎幽局之永訣嗟遠
日之戒期恐滕城而難固託孫表而搗詞其詞曰 銜珠雄畧披
霧清猷誕靈時彥允迪前循士元才美子竒譽休江陵滅火岫岫

雲叔小年俄謝巨室方幽梁摧東魯石折西州峻範遺愛終古恒流

誌稱高祖魏戴州長史祖隨貝州清河縣令攷北魏並無戴州當係此誌之誤或曾置旋改而史失載亦未可知貝州大業初改為清河郡此尚稱貝州則其祖居官當在仁壽以前誌云小冠貽禮滿歲擅於方書案漢書杜欽傳欽字子夏與杜鄴同姓字欽為小冠高廣財二寸時謂欽為小冠杜子夏而鄴為大冠杜子夏但此與下句及為縣令皆不關合未知是否太丘二句用陳寔事置祠洛邑用王渙事配享浚儀用陸雲事皆見後漢書及晉書本傳戴公二句案元和姓纂載

樂氏本宋微子之後戴公生子衍字樂父子孫以王父字為氏故此誌云云安國二句當指樂毅毅封昌國君此蓋譌昌為安耳展驥用龐統事馴翬用魯恭事駢油始御四句皆未詳案後漢書董宣傳宣為洛陽令京師號為卧虎歌之曰枹鼓不鳴董少平在縣五年卒此云枹鼓不驚五天光於大邑宜五天即五年正用其事耶浪志星墳當是皇墳之誤子師千里用後漢王允事子師允字也司馬九卿用司馬安事見漢書汲黯傳屏晨飲事見家語子賤治單父事見說苑然說苑所載陽晝語與寢宵釣無涉特文家借釣字傅會耳滕城用夏侯嬰事見博物志史記索隱長安志太平寰宇記等書

孫表當用孫綽事晉溫郡王庾諸公之薨必綽為碑文然後刊石見晉書本傳披霧晉樂廣事銜珠事甚多此不知何指據文義當亦出樂氏也子奇齊人年十八齊君使主東阿阿縣大化事見新序滅火用劉昆事石折西州用任文公事唐書地理志瀛州屬河北道治河間縣此作河澗誤聞宵之宵當作霄宵釣之宵當作宵此蓋互段歲次下脫庚午二字

隋騎都尉司馬興并夫人張氏墓誌銘

志文像兩面刻正面高廣各八寸四分文十三行行十三字背面高九寸一分廣八寸六分文十四行行十四字正書

隨故騎都尉司馬君墓誌銘

并序

君諱興字文達河內人也自隆周御曆大漢膺期或公侯贊映於

圖史允文允武紛綸於簡牘祖 譽齊上儀同務舉韓王恭軍事
託葉梁蕃聯裾魏邱聲塵洽耒耜光價鶯當年父 隨任澤州漢
澤縣丞弼宰絃哥嘉猷遠播翼綏黎庶令勅遐軫以貞觀廿年五
月一日殁於私第春秋卅有五夫人南陽張氏門風濱慶誕容華
四德洽於母師六義光乎女則豈期天道冥昧賦命□□朝露溘
晞燭風俄逝以以上總章三年七月廿二日歸於蒿里春秋七十
有二粵以咸亨元年歲次庚午十月庚午朔 四日癸酉同葬於
河陽縣東北一十七里平原禮也俄推千丈徒懷肅之之音奄闕
三泉空軫冥之之歆懼桑田有變陵谷尚移故勒碑銘乃為詞粵
荒涼蒿里窈冥佳城泉門永闕地戶長扃松風警燧霜月凝瑩生

平已矣空餘頌聲

其一

八火焚軀忽然歸故先墨盡蔬卜居安措神

靈具飛遊魂遠慕既返輜車寂然無怖

其二

九泉窅々幽壙冥々分

隸同戶永別莫聲翔鴻作伴狐兔盈庭一丘

下泐為人磨去以上背面

此石舊與魏司馬元興司馬昇司馬景和及妻孟氏等墓誌

同在河南孟縣且同為河內人當係一族晉書宣帝紀載帝

為河內溫縣孝敬里人則又皆晉室之後也誌稱祖齊上儀

同務舉韓王參軍事以地與年數推之則齊當是北齊攷北

齊高氏諸子無封韓王者惟韓軌於文宣受禪後封安德郡

王天統中改封東萊王則所謂韓王者當即指韓軌言之然

北齊時無上儀同之稱據通典北齊有儀同三司

注云任城王浩等多

為之今北齊書及北史沿傳均無為儀同三司之語或杜氏當時別有所據後周增置上儀同大

將軍至隋始有上儀同三司并有儀同府府置員與開府同此誌以隋官敍入齊代殊不可解據誌興固無子或當時族鄙以年歲較遠朝代迭更記辨未真故致此誤與又誌稱父隋任澤州獲澤縣丞案澤州大業初改為長平郡此猶稱澤州則居官當在文帝時矣又誌書總章三年七月下復書咸亨元年歲次庚午案總章三年即咸亨元年是年三月已改元不應至七月仍繫之總章且不應一年而兩書年號顯示歧異諦審三字中畫有刀劃痕似係當時誤二為三故以刀痕亂之者然則本文仍是總章二年也河陽縣隋屬河內郡

唐屬孟州即今孟縣西境地文云或公侯侯上當脫或字與下允文允武句為對魏邱之邱當係邱字之誤絃歌之歌用古字作哥已見唐充公頌及所錄隋元英墓誌詞曰作詞粵東魏呂望表隋曹子建廟碑已有此例而北齊朱墨思造塔記宋敬業寶塔頌作頌粵唐李吐蕃造象記作銘粵其例亦同曰粵古通也安厝作安措案厝措二字古亦通用漢書賈誼傳抱火厝之積薪之下借厝為措此則又以措為厝輻車即輻車說文輻喪車玉篇以為同輻則輻字相承已久矣又銘詞云先墨盡彘彘字形既異又筆畫難辨竟不識為何字墨字尤剝泐初疑為墨反復研誦乃始悟為墨而彘則龜之

異文蓋禮記玉藻云卜人定龜史定墨孔氏正義謂凡卜必以墨畫龜此正用其事故下云卜居安措也然則彝字可補入字書矣

張祖墓誌

石高一尺七寸四分寬一尺七寸八分二十三行行二十三字
字徑五分張正書有基格蓋高一尺五寸八分寬一尺五寸六分二行行二字字徑三寸三分篆書陽文四周花紋兩層

張君墓誌

張府君墓誌銘

君諱祖字遠南陽白水人也蓋承軒轅皇帝之苗裔張羅之後自降昴承家飛聲於編策昇台製慶播美於緬圖永平卜年封侯下

博大業云季逸邑滏陽祖珣齊任汾州錄事參軍事父長隨任下
博縣主簿君天綬生知坤靈誕秀春華艷質秋實呈姿捧手之年
已申孝敬牽衣之歲方獻忠規道應扣鍾學符欽海顯慶四年
詔版授豫州襄信縣令龍朔二年改授翼州冀水縣令粟帛屢頒
牛酒頒錫幸屬埋金梁府座玉云亭軋封元年又授蘇州昆山縣
令解五斗之印綬歌三樂以自娛戶電難常憲駒易往哲人長逝
梁木斯摧春秋九十有四咸亨二年閏九月廿二日終夫人李氏
趙郡人也承姑捧盥訓子停機豈啻風落田霜凋桂苑春秋七十
有二麟德二年六月廿一日殫粵以咸亨三年歲次壬申二月癸
亥朔廿二日甲申合葬於相州滏陽縣滏泉西三里之平原禮也

詩云穀則異室死則同穴祔葬之禮自周興焉伏岫峙其南神鉅
聳其北諒九仙之旆境寔三隱之攸居大男客朗等五人孝履自
天哀慕過禮但恐海桑變改陵谷賢逸故勒斯銘庶存不朽銘曰

本系軒丘疏源白水潁陽出守河閒入仕家表義門鄉旌

孝里靈鶴垂應神鳩降祉惟君人隱藻拔天章披雲觀樂鑒水窺

黃泗上馳譽稷下流芳時遊愚谷全賞山陽具如何昊天殲我良

懿一歸萬里千齡掩燧白馬來而范悲黃鐘感而向思唯丹青与

金石磨万祀而無墜其三 第二男基年卅六軋封二年卒葬在墓

北連

誌云張君南陽白水人北魏白水縣屬南陽郡在
襄州北今河南南陽府境按北魏張

猛龍清頌碑猛龍南陽白水人晉西平公軌八世孫張君或
其苗裔歟下云遷邑滎陽又云合葬於相州滎陽縣張君實
占數相州南陽其祖望耳張君以顯慶四年詔版授豫州襄
信縣令凡曰版者非真除也魏書肅宗紀熙平二年四月丁
酉詔京尹所統百年以上賜大郡板九十以上賜小郡板神
龜元年春正月壬申詔京畿百年以上給大郡板九十以上
給小郡板八十以上給大縣板七十以上給小縣板諸州百
姓百歲以上給小郡板九十以上給上縣板八十以上給中
縣板孝莊紀建義二年五月詔上黨百年以下九十以上板
三品郡八十以上四品郡七十以上五品郡孝靜紀天平三

年十有二月辛未遣使者板假老人官百歲以下各有差蓋由推恩加以虛號所謂賜百年以上假郡守假縣令也又吳悉達傳刺史以悉達兄弟行著鄉閭板贈悉達父渤海大守崔孝芬傳司徒彭城王勰板為行參軍晉書皇甫重傳元康中司空張華版為秦州刺史此云詔版授与板假老人官及板贈其制不同觀於下云改授翼州翼水縣令可知前官雖云版授固屬實行縣事非以虛號為榮而与孝芬重故事亦復同而不同彼所謂板特官文書云爾此則公朝勅命秩雖恭微亦特達之知也東魏太公呂望表碑陰所列郡守縣令竝皆板授蓋斯制實始元氏迄唐初猶沿用之後迺改稱行

某官而板授之文不復見矣張君与夫人李氏合葬於相州
滏陽縣滏泉西之平原太平寰宇記滏陽縣隋屬磁州後州
廢以縣屬相州唐武德元年復置磁州仍領滏陽貞觀元年
廢磁州以滏陽仍屬相州誌作於咸亨中在滏陽還縣相州
後矣滏泉即滏口寰宇記滏水源出縣西北鼓山南巖下泉
源奮湧若釜之揚揚故以滏口名之鼓山一名滏山有石鼓
形二所南北相當冀州圖云鼓自鳴即有兵魏都滕云神鉦
迢邐于高巖是也誌云神鉦聳其北指此陵谷奇遠賀即賀
賀遠作變遠用与北周鞏賓卷誌懼此賀遠同攷三蒼及小
爾雅後漢書章懷注註云賀易也易与變同誼

鉦於業行某
官與板授其

孫行基造象記

石高一尺五寸廣一尺一寸正面一佛趺坐左右侍者各一人
二神夾侍記刻背而下方之右七行行五字正書

咸亨四年正月十日佛弟子孫行基為亡過父現存母敬造石像
一鋪合家供養

朱遠墓誌

石高一尺六寸七分廣一尺六寸五分
二十二行行二十五字界有棋格正書

大唐故道王府典軍朱公墓誌 并序

公諱遠字元通若夫峙茂族於陽陵聲高俠窟植華宗於沛園堂
峻儒宗是以貞宣易名騰士林而結藹文忠孝行振家業而連芳
代襲珪璋門傳紱冕曾祖廣鎮軍大將軍神窮豹略藝洽隼墉恢

七技之宏，摸闡三門之祕術。祖綽齊治州長史，非榮展驥底貞効。於康莊奉職，題與令問。馳於輦轂，父寬隨嵐州司馬。卷舒人野之際，隱不達親道。遙得喪之間，貞不絕俗。公騰暉驥浦，夙標千里之姿。濯耀驥宮，早發十城之價。禮而後動，苞五卒而潤身。謙以自居，蘊四美而光德。暨乎解巾，捧檄挹投翰之雄圖。攬轡非車，免調蟲之小技。俄而擢拜絳州同卿，府果截趙冠，耀首越劍。文腰神交黃石之符，訓洽青中之侶。固已望華蘭，錡聲重羽林。三臺推殉國之功，六郡掩干城之譽。於是皇枝列壤，資武略以恢藩。

帝葉分珪，位戎昭而肅。邱遂轉公為道王府典軍，風驚楚澤，時陪鴈沼之遊。月上梁園，屢奉獲巖之宴。既而光乘補柳景，謝桑榆固。

申匪石之祈願展揮金之樂万里封侯之願終屈志於風雲百齡
遽登之斯遽經悲於霜露以咸亨三年九月廿五日卒於大賢里
之私第春秋七十有五即以四年二月廿八日遷葬於咸陽之原
禮也長扁萬古終窆窆於滕公永託九原空流連於隨會嗣子護
任三原縣天齊府左果毅哀纏霜結風枝撫松劍而無追瞻
楹書而靡託敬刊沉石永播芳聲其銘曰

慶發指河祥開鑑日譽宣蘭檻威橫石室猗人誅命荷茲隆吉逸
志請纓壯心投筆 策名羽技委質珮筵飲石餘勇揮金暮年光
賢種露影謝蒿泉山悲夜月隴思寒烟

咸亨四年二月廿八日

右按朱君為道王府典軍唐書高祖諸子傳有道王元慶百官志王府官屬有親事府典軍帳內府典軍之分均正五品上此朱君之歷官也前漢書公孫賀傳詔捕陽陵朱安世安世者京師大俠也又儒林傳有九江朱普後漢書朱穆傳初穆父卒穆父名頡穆與諸儒考依古義謚曰貞宣先生及穆卒蔡邕復與門人共述其體行謚為文忠先生此誌鋪陳朱氏故實至於八句之多若朱普朱頡朱穆有光先世猶可引重如安世大俠陷人於禍身亦不免乃亦稱為茂族曰聲高是以人之所諱而為美談其不審如此誌言曾祖廣鎮軍大將軍考魏與北齊皆有鎮軍大將軍之號朱君之祖為齊潞州長

史則其曾祖之官於魏於齊俱未可定誌言闡三門之祕術
按後漢書高彪傳云天有太一五將三門章懷注三門者開
門休門生門乃兵家奇門之言故曰祕術隋書地理志武安
郡下云後周置洺州嵐州之稱志亦未載據元和郡縣志嵐
州設於後魏至隋置樓煩郡唐重置嵐州誌言其祖齊洺州
長史父寬隨嵐州司馬皆與隋志不合朱君擢拜絳州同鄉
府果毅據唐書兵志太宗貞觀十年更號統軍為折衝都尉
別將為果毅都尉諸尉總曰折衝府凡天下十道置府六百
三十四皆有名號府置折衝都尉一人左右果毅都尉各一
人朱君之官同鄉府果毅及其子天齊府左果毅同鄉天齊

皆府兵之名號馬端臨所謂其府多因其地各自為名者也
朱君起家府衛入為王府官屬誌言時陪雁沼之游屢奉獲
巖之宴當為帳內府典軍故時得陪從其後乃以告歸卒於
私第誌中雕蟲誤作調蟲於義無取流連則為流連假借字
如隱不違親貞不絕俗空流連於隨會則又皆用古人成語
其腹笥頗不薄云

祕閣詹生劉守忠墓誌銘

石高廣各一尺四寸八分二十二行行二十三字第十五行二
十四字字徑四分正書

大唐故祕閣詹生劉君墓誌銘

并序

君諱守忠字高節楚國彭城人也原夫玄珪錫□御龍所以命氏

金刀發彩斷地所以握符況乎派別五宗□□源而不測枝分再
命播神業而□芬其後雄才接武揚□□□逸氣成章鏡華七子
曾祖和秀暎嵇松彩韜潘壁得粹□□□靡輟道送獵玄風於
柱下無希寵辱祖延隨西平郡化隆縣令父擇杞王府記室或馴
翟舞鸞敷恭阜之良政或琢簪珠履侍楚趙之英蕃君秀氣資靈
元精毓粹纒登羈歲即蘊黃中之心未越韶齡先預玄父之賞既
而凝神圖史庶思緹油步七耀而測□□迴究六府而知□□精通
五劍有萍蜀之高風諾重百金負季布之奇意雖復用存□儉居
滿誠於宥危施而勿念益宣符於易象而福善茫昧神□超忽臨
溟激水翻閱逝於黃波披霧觀天遽聞傾於趙日粵以咸亨五年

元和姓纂載有劉守忠亦出彭城但世系官職均不同蓋同
時同姓名者祕閣即祕書閣百官志龍朔二年改太史局曰
祕書閣有曆生五十五人西平郡故膳州仁壽初改廣威為
化隆縣咸下二字泐不可辨因下有其年甲戌字知為咸亨
五年高宗新舊兩紀皆書是年八月壬辰改元上元據誌八
月為壬寅朔則是月不當有壬辰日朔為壬寅則十三日當
是甲寅而誌作庚寅知壬寅朔乃戊寅朔之誤然則壬辰改
元乃十五日劉君定時尚在改元前二日也

尚万寬造天尊像

石上圓下平高九寸五分寬八寸座高二寸五分九行行四字
五字不等字徑五分正書上鐫天尊像及二侍者

上元三年八月十一日弟子尚万寃為亡父母又願家口平安敬造天尊一塔寃妻姚一心供養

昔人造像或云一軀一區一堰或云一鋪或云一堪即此云一塔殊僅見可補石刻例所未備意謂石形上圓下平略似浮圖耶寃字不可識

馬君夫人令狐氏墓誌

軀高一尺一寸二分弱寬一尺九分十八行行十八字字徑四分正書有墓格

唐右金吾郎將馬君夫人燉煌令狐氏墓誌辭

夫人其先出自周文王子畢公之苗裔也其後晉侯賜邑令狐因以命氏王莽篡漢將軍邁匡復漢室為莽見欺子孫避難于燉煌

因為燉煌人自茲厥後宗業蕃碩曾祖文軌皇汾州長史祖思極
皇利州嘉川令父同祗蘭州金城令並自家形圖位烈休光夫人
即金城府君之長女也昭然天假清懿典儀春秋十九歸于馬氏
乃家沐清風將和鳴偕老豈謂遽疾不愈積善無幾以上元二年
七月廿二日終于私第春秋五十有子二人伯曰文質前鄉貢明
經季曰文贍幼而聰敏哀□泣血□至絕漿以元年建子月廿一
日播于岐山陽□鄉之三時原禮也即夫人家迤非遠先塋□令
歸魂而無林也獨悠悠於白日望悽悽於長川貞石紀時而為銘
曰

逝往古來去不可止代如疾風數茲閱水孤玉樹於庭中弃明珠

於掌裏事在生而永歎悲千秋而長已

誌云措於岐山陽□鄉之三時原措即曆字長安四年梁府君妻李氏墓誌安措有期亦用措作厝

許夫人宋氏墓誌

石高寬各一尺並八分十七行行二十十字字徑四分正書

大唐故冠軍大將軍代州都督上柱國許洛仁妻襄邑縣君宋氏夫人墓誌并序

夫人諱善主字令儀定州安喜人也原夫玄禽翺羽□有商之祚白翰騰驥肇水殿之祀洎乎分邦錫社以浚實於睢陽列國會盟秀芳華於官度祖逸周開府儀同三司江州刺史永靈縣開國公

父濟隨左千牛備身永州長史柱國繫爵如故並位光烈宰名參
上將塞帷楚甸副軫衛吳夫人名藹蘭闈聲隸閤臺標梅觀止標
木承恩捧案申恭敬深髓野年過捕柳歲迫桑榆道疾弥流遊魂
益錄春秋九十有九薨于金城坊里第即以其年五月廿四日寔
于龍首原禮也嗚呼哀哉松風悽悽蘊露蒼茫悲夜臺之永暮痛
佳城之末光乃為銘曰

天開寶祚地啓靈源瑤華蔭蔚玉葉更繁偉哉先哲倚與後昆
惟下邑露冕上藩其一四德標舉三從惠養澍慎居貞聲名厲響立

景西傾逝川東往處玉質重泉遂埋魂于幽壤其二

許洛仁以龍朔二年十一月陪葬昭陵有碑在醴泉縣儀門村

文載金石萃編洛仁卒於龍朔二年四月年八十有五夫人年九十有九當卒在洛仁之後誌僅載窆之月日而未書卒葬之年今編附儀鳳元年以洛仁同歲度之也洛仁碑未及其妻子此誌亦未及其子宰相世系表宋氏二族亦未及夫人之祖若父其事實皆無可考矣誌首書誌作誌與濮陽卞氏誌同書並留之留作流黃本贖古誌石華

右墓志前人未見著錄恐係近時出土者首尾共十七行每行二十字正書字徑三分其首題大唐故冠軍大將軍代州都督上柱國許洛仁妻襄邑縣君攷許洛仁係唐初功臣卒後陪葬昭陵今陝西醴泉縣昭陵其碑尚存碑額題大唐故冠軍大將

軍代州都督又碑首題全銜末云代州刺史上柱國皆與此合則此即其妻之墓志無疑顧文中但敘其父祖之官爵而絕不及洛仁之姓名與官階勳爵又無子孫男女等名而銘中有猗與復昆慕惟下邑靈冕上藩等語則似有子孫而且其官爵者且既無洛仁卒之年月而記其卒則但云春秋九十有九以其年五月廿四寔於龍首原又不詳其生卒之紀年月日可謂簡略之至矣志不題撰書人姓名而字頗韶秀有唐初書家風度洛仁新舊唐書附載其兄世緒傳文亦甚略昭陵碑下半截又多磨滅惟其殞於龍朔二年四月春秋八十有五尚可辨至其妻與子之姓名皆不可考矣碑撰其為博陵安喜人唐書地理

志安喜屬定州博陵郡此云定州安喜人亦與洛仁碑合洛仁卒於龍翔二年年八十有五此誌文中敘其祖與父為周齊之官則其妻之齒當亦不甚相遠而卒年九十有九則後洛仁當又十數年計龍翔二年至高宗末永清二年高隔廿一二年則宋夫人當亦必卒於高宗之世矣此志尚是唐初之物可寶也功臣陪葬昭陵未必妻能合葬志亦但言薨於金城坊里第寔於龍首原而俱不及其郡縣之名攷長安志金城坊在皇城西第二街又龍首鄉在萬年縣東十五里此捐本從碑肆中購來者審其紙墨似是陝西拓手或因洛仁賜葬昭陵其家即居長安故其妻卒葬於此亦未可定其書墓志之志作誌不从言而

从金為他刻所未見睢陽之睢从目不从且隋字有之第字从
艹不从竹皆足資攷据者惟弥留作弥流標梅之標从木不从
才蒲柳之蒲从捕不从浦薤露之薤作薤靈源之靈作靈露冕
之冕上从内則皆字之俗體

瞿中溶古泉山館金石文編

按許洛仁兩唐書並附見許世緒傳世緒并州人弟洛仁亦從
起晉陽錄功至冠軍大將軍行左監門將軍永徽初卒贈代州
都督謚曰勇陪葬昭陵今昭陵有許洛仁碑額篆題大唐冠軍
大將軍代州都督許公之碑公諱洛仁字濟博陵安喜人唐書
地理志定州博陵郡屬河北道安喜其屬邑此志亦云定州安
喜人正與碑合蓋夫人與公同邑史傳作并州人疑有誤矣洛

仁薨年八十有五當龍朔二年碑字可辨史以為永徽初卒亦
誤此誌但云春秋九十有九薨於金城坊里第而不著代年如
與洛仁年歲相若則薨於上元儀鳳間矣長安志朱雀街西第
四街即皇城西第一街街西從北第三金城坊洛仁碑私第上
缺殆即薨於金城坊五字可据此誌補之誌題備書夫之官閭
姓名而誌不及夫之事情可為婦人銘墓之法不題墓誌墓銘
而題墓誌亦所創見也誌誌音銘義此石不知何年出土長安
民家以作搗衣砧字將平矣咸甯帖賈裴脩甫得之拓本幾不
可辨道光元年二月將去西安特過脩甫就石錄之

陸權通金
石續編

右許洛仁妻宋夫人墓誌無年號按洛仁兩唐書俱附兄世緒

傳極簡略洛仁陪葬昭陵有碑亦漶漫未詳夫人姓氏洛仁碑謂薨於龍朔二年年八十五而夫人墓誌謂薨年九十有九意其時當在高宗宏道以前蓋以誌無武后所撰之字定非垂拱以後之刻金城坊宋敏求長安志謂在唐京城內金城之名肇自隋文帝龍首原長安志為龍首山誌以儀作儀與熙寧子碑同書勢古秀雅有大令十三行遺意

汪荃十二硯齋金石經眼錄

右唐故冠軍大將軍代州都督上柱國許洛仁妻襄邑縣君宋氏夫人墓誌趙氏補訪碑錄已著錄按新唐書百官志冠軍大將軍正三品上諸州都督從二品上柱國視正二品文武官三品已上母妻為郡夫人四品母妻為郡君五品母妻

為縣君据墓誌洛仁官三品已上而妻廩封縣君与百官志不合周書武帝紀保定二年閏月己丑詔柱國已下帥都督已上母妻授太夫人夫人郡君縣君各有差唐初制度未定洛仁妻封或尚沿北朝遺制歟宋徐度卻掃篇云唐時婦人封號不數其夫官爵有夫之爵方為郡公郡侯而妻為國夫人者有夫之爵方為縣伯子男而妻為郡夫人者又每遇大禮則加封有夫為小郡小國公而妻為大郡大國夫人者此謂妻封崇於夫爵据此墓誌則亦有妻封降於夫爵者可以參攷當時之制歷朝名器往往末世溢於初盛是亦可以鑒已墓誌作墓誌与開皇五年元英墓誌蓋建中四年宋儼墓

誌同言苟金苟古字通用銘可从言作詔

唐無年號劉夫人侯氏墓誌詔標題

會昌三年處士包公夫人墓誌詔曰詔字歧同

誌可从金作鈇其例通矣誌云督隸

閔壹即閔壹从心从必古字亦通漢書王莽傳永以康甯郊祀歌攘攘復正直往甯甯即甯字是其證也又云遘疾弥流即彌留留流古亦通用莊子天地留動而生物釋文留或作流詩旋卹流離之子爾雅釋鳥注作留離之子漢書霍去病傳諸宿將常留落不耦留落卽流落

周廣墓誌

石高寬各一尺四寸二分二十三行行二十三字字徑五分正書有墓格

大唐故周君墓誌銘

并序

君諱廣字廣欽汝南人也周大王之苗裔大師且之後崇基造天
與五岳而爭峻洪源帶地符四瀆而俱永若乃漢代標奇周滕
七緯之理魏朝推俊周嗣該百氏之文降及晉宋軒冕逾隆
備乎史籍卒難次叙祖禮齊任蒲州錄事參軍又任潞州永年縣令父
雄隋任左驍衛兵曹特選武奔中郎將君門承累構地藉重光少
懷慷慨之誠早挺英豪之志往屬皇家創業風塵未寧大惣管曹
國公應選貞剛擢為車騎位卑千百之長勲高四七之功區宇剋
平上國自逸既而花飛春館時傾得性之樽月簾秋亭燕踐皆連
之席逍遙三樂容與一生優哉遊哉老將至矣春秋七十有三龍
朔元年三月廿九日卒於私第夫人傅氏武仲之後夫人朱氏公

林之後並海內之名家天下之盛族莫不艷侔春華節符秋霜四
德備於遼關六行聞乎州里夫人朱氏春秋七十有五軋封二年
九月十八日辛夫人傅氏春秋七十有六咸亨四年十二月廿七
日卒即以儀鳳三年正月十四日合葬於黑山東南歆城西北四
里之平原也金柳既掩玉樹永沉於九泉石門一秘連城長塵乎
幽壤嗚呼哀哉乃為銘曰

昭章景霄杳淼靈源長波控地崇基接天門樨杞梓代出英賢簪
裾弁素冠蓋蟬聯其一載誕君子孝友忠和材惟俎豆任乃干戈凌
鋒汗馬位薄功多元勲剋著幽巷婆娑其二薤露非久風燭難停朝
去華宇夕秘玄扃佳城鬱鬱夜臺冥冥千秋万祀空垂令名其三

周君有兩夫人竝名門盛族同時來嬪與尋常元妃繼室不同其卒年亦相距不遠壽皆逾古稀三人同穴同一墓誌誠碑版中塵見者誌云勲高四七之功指東漢圖像雲臺二十八人也又云合葬於黑山東南歆城西北謹按 大清一

統志黑山在湯陰縣西南三十五里與濬縣接界長沙溝水出焉後漢書初平三年曹操擊黑山賊於內黃此墓誌比年河南彰德府出土所云黑山當即湯陰縣之黑山歆城無攷又按周君父雄隋武奔中郎將武奔即虎賁漢書百官公卿表期門掌執兵送從武帝建元三年初置有傑射平帝元始元年更名虎賁郎置中郎將師古曰賁讀與奔同言如猛

獸之奔此賁作奔於詛政合

李惠妻孫造像

石高四寸七分寬一尺一寸五分十三行行五字字徑七分正書

大唐儀鳳三年歲在戊寅七月乙卯朔卅日甲申弟子李惠妻孫敬造阿彌陀像一軀奉為天皇天后及為亡夫亡男行教又七代師僧父母法界蒼生俱登正覺

右造像記卯字寫作卯尸旁加點作尸与唐崔鑲書北嶽神廟碑同

王留墓誌銘

石高一尺二寸一分廣一尺二寸五分
縱橫十六行行十四字界有棋格正書

王君諱留字留生墓誌銘并序

君諱留生太原高之寰也斯乃背符誌海記錄懸津管□□於清
朝吸三晨於暮景自可駕鶴遊金闕乘鸞鶴王京踐遠祖之遺風
習家崇之至道何期五芝不効九轉無徵去咸亨五年正月廿五
日卒於里第春秋七十五權定於劉村西以地多磐石下涌清泉
遂以其月五日改憤於伊楊村西一里与夫人張氏合葬禮也恐
田改碧溪岸移丹谷敬題玄礎永播芳塵其詞曰 倚歟王子允
矣於人體道高尚味重懸津修福無効奄致□淪其一名價拜寒風
雲蕭索月照孤壠雲愁絕岬一化今古千秋杳冥其二
儀鳳四年歲次己卯五月庚辰朔五日甲申

右誌趙之謙已著錄王君當好神仙家言故誌所述皆符籙服食之說殮下似五雲二字鷓音括烏名乘鸞鷓玉京頗為不詞當是括字之誤讀如牛羊下括之括括至也誌兩隸懸津事必有所出存以備考漢字以韻而言當是漢字唐高宗紀儀鳳無四年然於六月辛亥改元調露則六月以前仍儀鳳四年也誌石不誤其五月庚辰朔亦與通鑑目錄合